



Broj: 02-11-4-1870-1/25
Goražde, 24.06.2025.godine

Na osnovu člana 70. stav 1., 3. i 6. Zakona o javnim nabavkama ("Službeni glasnik BiH" br. 39/14, 59/22 i 50/24) u postupku javne nabavke roba putem konkurentskog zahtjeva za dostavljanje ponuda - **Nabavka softvera za potrebe Grada Goražda ; Lot 1 – Nabavka softvera za video streaming za potrebe prijenosa sjednica Gradskog vijeća** Gradonačelnik Grada Goražda donosi:

ODLUKU
o izboru najpovoljnijeg ponuđača

I

Prihvata se preporuka Komisije za provođenje postupka javne nabavke softvera za potrebe Grada Goražda, te se Ugovor o nabavci i isporuci softvera za video streaming za potrebe prijenosa sjednica Gradskog vijeća (Lot 1) dodjeljuje ponuđaču „Nexis” d.o.o. Sarajevo, sa ponuđenom cijenom ponude u iznosu od 1.709,00 KM, bez uračunatog PDV-a.

II

Ova Odluka će se objaviti na web stranici Gradske uprave Goražde www.gorazde.ba sa istovremenim upućivanjem ponuđaču koji je učestvovao u postupku javne nabavke.

III

Dokumentacija navedena u tački 3.1.4., a u vezi sa tačkom 3.1.5. Tenderske dokumentacije mora biti zaprimljena kod Ugovornog organa – Gradske uprave Goražde u roku od 7 dana od dana prijema ove Odluke.

Nakon pravosnažnosti ove Odluke, Grad Goražde će pozvati ponuđača „Nexis” d.o.o. Sarajevo radi zaključenja ugovora kojim će regulisati međusobna prava i obaveze vezane za predmetnu nabavku, shodno uslovima Ugovornog organa navedenim u Tenderskoj dokumentaciji i zakonskim propisima koji regulišu postupke ugovaranja.

O b r a z l o ž e n j e

Gradonačelnik Grada Goražda je dana 03.06.2025. godine donio Odluku o pokretanju postupka javne nabavke roba - Nabavka softvera za potrebe Grada Goražda broj: 02-11-4-1870/25, putem postupka konkurentskog zahtjeva za dostavljanje ponuda, podjelom na lotove, kako slijedi:

- Lot 1** – Nabavka softvera za video streaming za potrebe prijenosa sjednica Gradskog vijeća
Lot 2 – Nabavka softverskog paketa za rad Gradskog pravobranilaštva

Na osnovu navedene odluke, dana 04.06.2025. godine, na portalu javnih nabavki objavljeno je Obavještenje o javnoj nabavci broj 413-7-1-27-3-46/25, a sažetak navedenog Obavještenja o nabavci objavljen je u „Službenom glasniku BiH”.

Tenderska dokumentacija za ovu nabavku je objavljena takođe na portalu javnih nabavki i istu je preuzelo 22 zainteresovanih ponuđača.

Kao krajni rok za dostavljanje ponuda u ovom postupku nabavke je određen 16.06.2025. godine do 11:00 sati.

Na osnovu pomenutog Obavještenja proveden je postupak prikupljanja i otvaranja ponuda što je konstatovano u zapisniku sa otvaranja ponuda od 16.06.2025. godine.

Komisija za provođenje procedure javne nabavke imenovana posebnim Rješenjem Gradonačelnika broj 02-11-4-1870/25 od 03.06.2025. godine sačinila je Zapisnik o pregledu i ocjeni ponuda iz kojeg se vidi sljedeće:

- da je u ostavljenom roku za dostavljanje ponuda za javnu nabavku roba - Nabavka softvera za potrebe Grada Goražda; Lot 1 – Nabavka softvera za video streaming za potrebe prijenosa sjednica Gradskog vijeća dostavljena ponuda od strane ponuđača "Nexis" d.o.o. Sarajevo sa ponuđenom cijenom u iznosu od 1.709,00 KM, bez PDV-a.
- da dostavljena ponuda ispunjavaju formalno pravne uslove za učešće, uslove u pogledu lične situacije i sposobnosti za obavljanje profesionalne djelatnosti, kao i tehničke i profesionalne sposobnosti ponuđača koji su za ovu nabavku postavljeni tenderskom dokumentacijom
- da je ponuda ponuđača „Nexis“ d.o.o. Sarajevo sa cijenom ponude u iznosu od 1.709,00 KM, bez PDV-a, prema kriteriju „najniža cijena“ ocjenjena kao prihvatljiva i najpovoljnija za Ugovorni organ.

Komisija za provođenje postupka javne nabavke roba - Nabavka softvera za potrebe Grada Goražda predložila je Gradonačelniku Grada Goražda donošenje Odluke o prihvatanju ponude ponuđača "Nexis" d.o.o. Sarajevo za nabavku softvera za video streaming za potrebe prijenosa sjednica Gradskog vijeća (Lot 1) budući da je ponuda navedenog ponuđača na osnovu provedene procedure, ocjenjena kao prihvatljiva i najpovoljnija za ugovorni organ.

Razmatrajući preporuku Komisije te cijeneći naprijed navedeno, preporuka Komisije je prihvaćena pa je odlučeno kao u dispozitivu ove Odluke.

POUKA O PRAVNOM LIJEKU: Protiv ove odluke može se izjaviti žalba u roku od 5 dana od dana prijema iste. Žalba se izjavljuje Uredu za razmatranje žalbi BiH, putem ugovornog organa u pisanoj formi direktno, elektronskim putem ili preporučenom poštanskom pošiljkom, u najmanje tri primjerka, uz priloženi dokaz o plaćenju naknadi za pokretanje žalbenog postupka.

DOSTAVITI:

1. Ponuđaču
2. Web stranica Ugovornog organa
3. u spis
4. a/a

